

四庫全書

集部

欽定四庫全書

集部  
御製詩五集卷七十一

欽定四庫全書

御製詩五集卷七十一

古今體六十三首

壬子三

春仲經筵六韻

半宵問報同雲佈破曉未瞻六出飛適值經筵舉仲月

及臨翰席朗春暉德修宿闢程家劄

程願論經筵劄子貼黃有云天下治

亂繫宰相君德成就責經筵二語未為通論蓋君德正

天下治亂所關君德成就而天下焉有不治者乎若願

所言則人君但深居高處自修其德而天下治亂漠不

相關其德安在且宰相獨非人君所用乎倘宰相以天

下之治亂為己任而目無其君尤大  
不可詳見向書程頤論經筵劄子後  
瑞點空懷謝客衣

守位以思要稱

去聲

位唯幾成務合研幾

是日講論語君子思不出其位

易繫辭唯幾也故能成天下之務

可知一貫在忠恕無外九經求是非

引俗欲圖徐入古命歌抑戒聽音希

古樂之宮商角徵羽俗工不知即今

之五六工尺上等字也乙巳秋命駢注樂章內令樂工肄習之內午年因向御經筵畢賜講官宴並無侑樂即於是年命依古樂歌抑戒之章既合申儆之義亦欲引俗入雅耳

副都統成德奏報追勦廓爾喀賊匪情形詩以誌

慰六韻

初教慎重勿輕視

前次廓爾喀滋事辦理錯謬鄂輝成德均係同事之人朕特加寬宥令其

將功贖罪成德聞信後即於八月廿二日奏明帶領漢土弁兵三百餘名前往勦辦鄂輝亦於九月初六日自四川省城起程予方慮成德冒昧貪功曾屢降諭旨令其加意慎重不可有輕視賊匪之意繼以羈

延勅奮揚

不意鄂輝成德行走濡滯就其中途節次發摺之期按計程途每日不過行走一站節經

馳諭嚴行申飭并諭知現在福康安帶領巴圖魯侍衛章京及索倫達呼爾兵赴藏將來平定後功歸主將伊二人亦不過與衆將弁勞績相等仍冀激發天良使之奮勇立功以贖前愆遲速亦惟機應

動勸懲漫謂定無常

嗣據鄂輝奏賊匪於搶掠札什倫布之後尚在邊境逗遛觀望彼時

鄂輝成德若能早抵藏內即可跟蹤勦殺使其片甲不留庶幾震懾兵威知所儆懼且亦正伊二人立功贖罪

之時乃竟坐失機會此其錯謬甚大豈可復膺封疆專  
聞之任因將鄂輝革去總督賞給副都統銜駐藏辦事  
成德亦革去將軍賞給副都統銜在領隊大臣上行走  
行軍之道遲速在於應機而動而賞罰嚴明尤在鼓勵  
將士知所懲勸功罪惟其

示和悔用巴忠錯

往歲令巴忠馳往藏

內會同剿辦賊匪不過因其通曉唐古特語言或可易  
於集事詎伊恃在御前行走諸事擅專乃有私同噶布  
倫丹津班珠爾許銀贖地之事在巴忠或亦料賊無能  
止國遷就了事不意甫踰一年復來侵擾巴忠亦即畏  
罪自盡用人之錯予固引以為愧而唐古特人等又復  
怯懦不能抵禦及賊至扎什倫布仲巴呼圖克圖携贊  
先去羅卜藏丹巴爾以卜惑眾遂至賊欺弱致招廓爾  
匪入廟搶掠益肆披猖聞之深為憤恨

欺弱致招廓爾

喀猖據地不迴餘賊戀

初意賊匪聞大兵將到或慮大雪封山必即遠遁官兵到彼不

能痛加擒勒今據奏賊匪尚有在聶拉木濟龍等處者  
蓋妄意仍似前此講和或議給銀兩以贖所侵之地此  
正天奪其魄使之坐待誅戮是以係戀不回當亦罪惡貫盈不能倖逃耳  
催軍急進我兵

強小礮連破多誅戮官寨周圍密伺防

茲據成德奏去冬十二月二十

八日與穆克登阿率領滿漢屯土弁兵乘夜急進至相  
距聶拉木里許伊由西北穆克登阿由西南進攻天明  
齊抵寨脚賊匪猝不及防遊擊張占魁率領弁兵鼓勇  
直入並用火彈拋入賊寨燒斃賊匪甚多其逃出者被  
官兵殲戮二百餘名生擒七名奪獲器械並米糧牛羊  
等項餘賊尚據守官寨抵拒隨令四面拏卡圍困用砲  
攻擊釜底游魂斷難漏網等語此次成德等勦殺賊匪  
及圍困官寨頗覺奮勵可嘉因各賞給大小荷包并將  
成德前此行走遲滯部議革去副都統職銜之處加恩  
寬免以示獎勵其屯備木塔爾等三人均於現職上加

陞頂帶一等並賞緞匹俾具益加感奮至上年帶兵侵擾後藏之大頭人瑪木薩野想此時未必不在官寨之內現在鄂輝亦領兵到彼助勦聲勢益壯諒不難生擒此人解京正法即此首報喜音胥徵事機至順此時福康安到前藏已及兩旬酌量緩急自能辦理妥協次第勦平惟冀迅奏膚功捷章踵至以慰懸望 捷信慰看首喜報勦平次第待馳章

閩浙總督伍拉納奏報得雨詩以誌慰

巡疆祭戰駐泉州值雨連朝渥且優二麥地爪定登夏  
據伍拉納奏閩省雨水應時二麥地爪均已長發茂盛茲因巡疆駐劄泉州府城該處於正月初六七八等日復連得霽雨春膏優渥夏收可望豐穰 大田多稼更資秋近三屬亦胥稱

透

又奏據漳州興化福州三府屬稟報亦同時均得透雨其餘各府州雖未報齊而雨勢甚濃通省自必普

遍現在糧價平減農民極為歡忭

遠各郡應遍以周洋盜漸清慶時若

閩省自臺匪滋事後洋面盜賊頗覺充斥近年勅令地方文武員弁實力緝拏亦覺漸次寧靖人戶又安感召

若南望  
天和雨暘時  
昌勝慶章

與民休息又何求

兩江總督書麟奏報江寧漕船有遭風沉沒者詩

### 以誌事

過歲漕船辦實佳冬回冬發各無乖

近年經理漕務不遺餘力一切疏濬

催趲事宜頗覺井井有條是以糧艘揚帆北上得以速行無滯不特無往年截留守凍之苦而逐年比較抵通

之期日見其早其全數回空之船亦皆早抵水  
次竟復冬免冬開舊制事有成效方深慶慰  
方緣時

叙心為慶何意風狂事不諧沉沒米糧補寧責

茲據書麟奏興

武九幫內領兌江寧江浦等縣漕糧於上年十二月二  
十五日午刻行至上元縣黃天蕩陡遇狂風巨浪將第  
八號第十二號原裝米共一千一百四十餘石漂沒無  
存淹斃大小人口五名又有十六號一船被風打破除  
撈獲乾濕米石外虧折米二百八十餘石請著落各船  
丁賠補等語聞之深為憐憫此數船渡江陡遭暴風人  
力難施無從搶救所有漂沒米石即降旨俱著加恩免  
其賠補其應行修造船隻並令官為修理以副恤災惠  
丁至  
淹亡戶口恤教皆

所有淹斃人口並著照例賞恤

因思順合逢微

咨誨我持盈益慎懷

再題和闐玉義之書竹扇圖

石子千年玉渚中

和闐玉以產於水者為貴稱曰石子猶李之彥硯譜所云端石以子石為

上也年代久遠土華水氣交相融結遂有成赤黃色者

土華水氣久相融右軍坦

坐笑無應老嫗再來求轉空內蘊羊猶具脂白外標雞

不異冠紅世傳諸浸雖誠有

世傳玉入土歲久則有土浸血浸水銀浸其說不一

不知玉本有五色若此和闐玉子實屬天然白質赤章又非出古穴者可比

遜此天然造化

工

春仲齋居

孟之下浣仲之初雖每飛霏渥總虛設使聚三一為霈

縱非成六五仍餘

正月廿七日自亥刻至次日未刻得雪三寸昨初三日晚又有微雪不及

寸初六日夜自丑至寅復得雪二寸餘一旬之內雖得雪三次惜皆小若合為一次則成五寸餘斯為渥澤耳

齋居正值

春祈祭捷望兼殷午夜胥

是時官兵進勒廊兩喀

朵殿政稀畫方

永却無閒緒試觀書

壬子春祈

社稷壇恭紀

社稷尊稱

太禮崇

天地祇

句龍周棄配酌古今宜

按杜佑通典曰顓頊祀共工氏子句龍為社烈山氏子柱

為稷高辛氏唐虞夏皆因之殷湯為早遷柱而以周棄代之孔穎達禮記疏云鄭康成以社為五土總神稷為原隰之神句龍以有平水土之功配社祀之稷有播種之功配稷祀之賈逵馬融王肅之徒以社祭句龍稷祭后稷皆人鬼非地神是賈逵諸人直以后土句龍為太社后稷為太稷矣馬貴與文獻通考引朱子楊復之說並以鄭說為長我朝定禮最為至當是以會典所載太社位右太稷位左俱北向配以后土句龍

欽定四庫全書

御製詩五集

六

氏東位西向 后稷氏西位東向  
酌古合今洵為萬世不易之典

大祀躬仍執

己酉歲予以壽屈八旬於中祀皆親祭  
一週以盡為君之職嗣後即可遣官致祭

至

上蒼鴻佑精神強健倍昔奠獻之際益切寅恭

長

上聲

年心倍寅四番墮外獻五舉籲

垂禧

乙亥年六月征準噶爾先俘青海通首羅卜藏丹  
津及投順復叛策凌孟克之子巴朗孟克忒木爾

十月平定準夷俘達瓦齊庚辰正月平定回部馘霍集  
占丙申四月平定金川俘索諾木凡四次皆依古禮獻

於廟

社此大舉討廓爾喀師出有名兵非為  
神佑庶幾能五舉獻社之禮迅歲大

功賜勝

虔祝

御園仲春之作

還宮旬日閱御苑仲春臨雪縱三番遇澤無五寸深正  
月廿八二月初三初六得雪三次共計雖有五寸餘然究非一次所得尚冀優沛春膏耳  
耳軍務策由心以此盱宵度嫌他山水尋  
捷音聽傾

鑿冰

今年春令冷二月尚冰堅司苑獻劄勸鑿冰備舫船

御園

河水津時內史同園役每鑿開以供泛舟彼固意在獻  
勤而予實厭之雖曾禁之弗能止向屢見吟咏笑其徒  
自勞  
苦耳厭之卻弗御亦以示無蹙設若嘉而賞應思大不

然若輩每於此等處用心設使遂加稱獎則其獻諂將有過於此者不可不防其漸

### 再咏漢玉穀圭疊戊子韻

近著圭瑁說注家語率浮粗觀如有據細覈乃難離

應驗

也見史記封禪書

此器羊脂卓通身土浸周雖微尺寸異

孔義云凡

圭廣三寸厚半寸剡上左右各半是圭長不及尺廣厚亦不及孔義所云蓋周尺原與今尺不同惟其質白而浸土又合於典瑞及考古記穀圭之名信為古物也

古物句應酬

近作圭瑁說辨古無覆圭首之瑁又作搢圭說辨古

無長三尺之大圭蓋制必從先器亦求舊考制度者

非實有所指據終屬臆說昨徧查太常寺內務府所  
藏並無瑁及大圭此穀圭久藏大內雖與周禮典瑞  
考工記玉人所載穀圭以聘女者相合而尺寸迥不  
相同可見古有其器後人亦可倣而製之而其為真  
為幻原無定耳因疊舊韻引伸附識如右

河南巡撫穆和蘭奏報得雨詩以誌慰

山左曾經報甘被

昨據江蘭奏東省正月月中旬連次得雪廿八日復得雨三寸豫省連疆自

當一律均霑春澤未  
據奏到頗深懸望

豫疆隣近盼心懸幸哉澤亦三寸

潤茲據穆和蘭奏豫省開封歸德彰德衛輝懷慶陳州各府暨許州光州各州所屬四十七廳州縣稟報自正月初九以後或得雪二三四五六寸不等或得雨一二三四寸不等而省城得雨三寸竟與東省相同較

以東猶一日先

該省以正月廿七得雨較東省則早一日矣

地遠故應遲信

到齊豫均與畿南接壤而開封省城較濟南省城到京程途幾遠一倍是以豫省得雨雖早一日而奏到少

遲數日也春新總屬受恩偏近畿望雪今望雨自正月望渥雪侵尋至今

則望雨矣萬目發勞益慙然

詣玉泉山

龍神祠祈雨之作

命輦臨仲月升香

第一泉望孤雪培麥洊切雨滋田祈也非遊也殷然更

忸然顯希甘霽霈渥似昨辛年

去歲正月十四得雪七  
寸餘廿八日復得雪三

寸麥田大藉滋培繼以三月初六日渥雨深透麥收豐  
稔今歲正月下旬二月初旬雖亦三次得雪究未優渥  
以去歲得雨之日較之雖尚有半月之期而此心已  
切殷望惟冀神貺即沛甘膏得如去歲為幸耳

### 華滋館

閏歲立春遲華滋華未滋例斯萬幾理適值遠音馳

福康

安到歲後必即有奏報以慰懸慮日內正切盼望今日  
諸靜明園理事之際適據奏到於正月二十日已抵前

藏即於二十二日發摺所有經過瘴癘之處上下人等俱各平安此皆仰荷 吳恩默為佑助即此事機悉徵順利小醜跳梁不難剋期俘獲也瘴癘境已過猖狂賊勢知前藏與達賴喇嘛班禪額爾德尼相見宣布此次用兵護衛黃教至意藏中僧俗人等無不忻感至前次私許每年藏中給廓爾喀元寶三百個退回侵地惟時達賴喇嘛即不願如此辦理因已忠與噶布倫丹津班珠爾立意講和而鄂輝成德亦遂扶同完事當年已即如數付與去年五月廓爾喀復來索取遂誘裏丹津班珠爾至其巢穴並搶奪帶去元寶一百八十個敢肆猖狂竇屬可惡又詢據在藏貿易之已勒布人等僉稱因廓爾喀并吞各部落後伊等家室俱遭擾害今聞天兵征討無不歡忭誼切同仇現擇其中可倚信者帶同前往以為嚮導是前此令福康安驅逐此等貿易之人不特可以不必亦且可為我之驅使矣又據奏接到鄂輝成德圍攻聶拉

木賊匪情形其濟龍絨轄兩處尚有屯聚賊人福康安慮其潛逃檄飭鄂輝成德等嚴截後路痛加殲戮庶不致一人漏網福康安料理數日亦即馳往督勦所辦俱合機宜至屯練番兵及索倫達呼爾兵據云二三月內俱可陸續到齊揆以彼之形勢加以我之勁兵諒不難一舉蕩平惟盼捷音之迅至耳

勁兵俟全

### 集一舉洗羌兒

#### 兵行

據勒保奏副都統烏什哈達岱森保帶領索倫達呼爾兵頭起於正月二十四日前抵西寧所有駝隻馬匹及應行裹帶之鹽菜口糧等項預備敷餘

己自正月廿七日至二月初十日先後按起全行  
出口赴藏覽奏欣悅因成是什

內地兵行久定章侵陵勿許禁原詳塗經飽暖諭之宿  
本朝定制凡兵行征調無論八旗索倫綠營俱分別恩  
給賞賚及行糧鹽菜銀等項備極體卹從無騷擾地方  
之事近聞地方官有一二好為周旋體面者於帶兵之  
巴圖魯侍衛章京等或餽送致情帶兵之員亦有收受  
者此原非慮及兵丁侵陵及有挾詐情事但軍律吏治  
均屬攸關是以此次派調索倫兵赴藏之前即嚴切降  
旨沿途督撫毋許仍蹈交際陋習並諭以官兵等遠道  
衝寒朕方深為軫念地方官辦理兵差亦宜於此加意  
仰體所有兵丁過境時飯食湯水妥為預備俾得飽暖  
進行益與其用情於不當之處致滋胥吏長隨開銷中

飽何如令兵丁等得沾實惠且  
利征行亦斷不致過於糜費也  
量吏周資理亦當去冬大兵

啓行時巴圖魯等大員各賞銀二百兩侍衛章京等各  
一百兩護軍驍騎校至兵丁各五十兩索倫官員兵丁  
過京之日分別賞給大緞荷包銀鏢有差又傳諭勒保  
於兵丁抵西寧時再各賞銀二兩茲據勒保奏兵丁得  
受賞賜極為歡欣感激而該督又自捐銀一千兩按名  
分給先據帶兵之副都統岱森保奏稱過西安時巡撫  
秦承恩給與兵丁每人各錢一貫在兵丁等受朝廷恩  
賞已優此項得之望外自必益加踴躍該督撫等養廉  
豐厚際此軍行捐貲犒賞急公報効理亦當然朕聞之  
頗為嘉悅在經過直隸時甫於京師受賞原不必過於  
稠疊梁肯堂未行  
助馬堪嘉衆青海衛程倡始兩藩王  
給與朕不怪也

前因青海扎薩克郡王索諾木多爾濟於官兵過境時  
備馬數千匹以利軍行並就近赴各臺站隨查照料已

欽定四庫全書

御製詩五集

卷七十一

十一

賞給親王職銜具貝子公各晉職一等並在事出力之  
扎薩克以及官員兵丁等俱分別獎賞又郡王納漢多  
爾濟亦親自帶領蒙古人等護送官兵出境沿途稽查  
臺站甚屬可嘉前已加恩將伊舊罰十年王俸全予豁  
免茲復令與索諾木多爾濟同在御前侍衛上行走以  
示鼓勵蓋漢唐宋明之用兵在上者不知體恤在下者  
不免怨咨如杜甫兵車行新婚別諸什至今讀之猶堪  
鄙嘆況以青海外域彼時中國畏其強梗之不暇以視  
今日兵行彼境奮勉趙公供給周備豈可同年而語此  
皆仰賴上天恩佑祖宗威靈迴越前古且去  
冬天氣和暖兵行無滯人事天時胥徵大順師貞  
之吉於此可占而朕之感激敬惕益不可言語形容矣  
天時人事胥徵順益慎師貞盼捷忙

夜雨

二月廿七日

已作雪孤渥寢尋雨望甘下春霽方始入夕落兼含問  
歷更之五積輸寸未三潤土低應至二寸高處甫至寸那堪曰欣慰惟  
是切憂慙

永璚等奏

西陵一帶得雨詩以誌事

昨當廿七雨終宵低二寸霑高寸饒誰識

西陵逮三章

永璚等奏  
日自未至亥得

西陵一帶於二月二十七  
雨三寸有餘與京師得雨

之日同而  
較此為優

及茲春隴潤雙苗

謂冬春  
二麥

奏章披處惟增慙

欽定四庫全書



御製詩五集

里數算來非甚遙

京師隔陵不過二百里

西

却是京南仍遜此昨據

順天府尹奏京師南城廿七日之雨尚遜御園左近

翹瞻晴宇抱熏焦

### 鄂輝成德奏報攻破聶拉木賊寨詩以誌事

東寨雖推西寨在月餘攻勦幸功成

成德於去冬十二月廿八日攻勦聶

拉木賊匪及正月初二日已將賊人東寨拋擲火彈先後燒燬並殲戮生擒賊匪多人外其西寨固守之賊今始奏到將賊寨西南牆角刨挖三文餘隨於正月廿四日運入火藥四十包至午刻火燃藥發所有西寨牆垣房屋立時轟擊無存其竄逸及轟傷者盡被誅殺又生擒二十一名並訊據生獲賊人供稱寨中共有大頭人五名一被轟斃一被殺死現在拏獲大頭人咱嗎達爾阿爾曾薩野一名即從前侵擾扎什倫布大頭人嗎

木薩野之姪又小頭人二名連前生獲大  
小頭人共四名賊匪共四十三名等語  
同勞軍士誠

宣力涉調將臣不近情

前據奏肅拉木官寨所存賊匪不過一百餘名所有賊人糧食

俱已燒燬又經斷絕水道是賊匪勢窮力感不啻束手待斃無難計日攻克乃自上年十二月廿八日圍攻遲至一月之久始將此處賊匪盡遽欲居功邀獎並將帶兵人員臚列至二十三人之多懇請加等陞用賞給巴圖魯名號及花翎等語肅拉木祇係一隅即欲優賞勦除之功將來蕩平陽布又當何以加恩至於此次奮勉堵截之侍衛珠爾杭阿永德阿尼雅布等令福康安傳旨各賞大緞一疋其創挖牆角之都司什格蒲益章同巴塘副土司成勒春丕勒等及巴塘土兵協力宣勞自應獎賞以示鼓勵若鄂輝成德二人不自引咎張大其詞可謂覲曰飭曰褒自取付  
此次擊獲大頭人咱嗎達爾阿爾曾薩野既係

不知恥者矣

欽定四庫全書

瑪木薩野之姪鄂輝成德自應即時訊供具奏乃止將該頭人送至前藏交福康安審訊解京是其意存推諉已屬謬誤尚復詐張勞績殊不可解因即降旨嚴加申飭所有在事弁丁除陣亡受傷者照例賞卹外其餘出力之人并令福康安確查量加獎賞具奏蓋行兵之際全賴賞罰嚴明庶幾人知愧勵即如成德初次勦殺賊匪當即優加恩賚是或飭或褒亦視其人之自取在朕惟平心應付未嘗有畸重畸輕之見也或嘉或

否我惟平尚留絨轄濟隴蔡可謂淨除毆進兵

鄂輝成德前奏

絨轄濟隴二處尚有屯聚賊匪俟勦平肅拉木賊寨後即當赴彼乘勝圍攻等語乃此次奏摺內遂謂賊匪盡數勦除地方全行收復而於絨轄濟隴二處之賊並未一言及之更屬鶻突然朕亦早料其無能是以特令福康安等前往勦辦若僅倚任伊二人不幾又同前次憊忤了事乎此時福康安諒早已馳往獎率員弁乘機誅

戮惟盼速  
獻戎捷耳

護山東巡撫江蘭河南巡撫穆和蘭各報得雨詩

以誌事

孟之雨雪胥曾告

齊豫兩省正月內俱已  
奏得春膏頗為優渥

仲復春甘茲

各呈

茲復據江蘭秦山東濟南泰安武定兗州曹州東  
昌沂州青州萊州濟寧各府州所屬俱於二月十

八二十等日得雨二三四寸不等穆和蘭秦河南開封  
歸德衛輝懷慶河南南陽汝寧陳州許州汝州陝州光  
州各府州所屬俱於二月十四至十八等日得雨二三  
寸至深透不等節屆春分又得此應時甘澤二麥既資  
長發大田亦得及  
時播種深為慶慰  
皆我民資皆為去聲慰此偏澤斯此增

忼較於昨歲雖堪待得莫是心即近盈

去歲京師於三月初六日得透

雨今歲遇閏節氣較遲時固可待豈此可待之心即隣自滿乎

搦筆欲吟不成句自知

老合鮮怡情

倉場侍郎諾穆親劉秉恬奏報新漕到通詩以誌

事

迴空早必到通早漕務過年實合宜日計不足月計速

據諾穆親劉秉恬奏東省先進德州衛并豫省通州所及東省續進濟寧前等共二十五幫自二月十五至二十日俱趙過津關今於三月初四日已陸續挽抵通關即於初五日開斛起卸轉運又稱上年雖於三月初一

日開斛起卸係在春分後十三日本年遇閏開斛雖遲  
四日却在春分後六日以節氣計之比上年較早七日  
等語近年漕務經理得宜回空糧艘既得早抵水次受  
兌開行抵通之期自應日見其早連歲比較已著成效  
惟冀日久益當  
遵守無懈耳  
信哉凡事在人為

陝西巡撫秦承恩奏報得雨詩以誌事

山左河南雖報雨

昨江蘭穆和蘭奏報山東河南  
二月中旬得雨情形可稱及時那如

秦省此番優

茲據秦承恩奏西安鳳翔漢中同州商州  
乾等各府州屬亦於二月十六十七等日

得雨竟自四五寸至深透不等則較  
齊豫二省更為優渥覽奏倍深欣慰直霑五寸堪耕黍

并及各州都沃甍幸矣吾民連卜稔切乎斯地未消憂

何當早晚時甘霈膚寸崇朝勞望眸

題古玉尺

長於珮弗短於尺度正合殷器合殷

蔡邕獨斷云殷九寸為尺周八寸為

尺是尺正合殷度而玉質  
湯穆亦當係周以前物

遷毫已來今古閱逮周之際

璧球羣穆如一色溫而栗神具天真樸不文持以仙人  
傳太白上清寶鼎詎堪云

夜雨

三月初四日

春雨如膏

平聲去聲

清晨惜風

去聲

風祇餘二寸潤

順天府報得二寸餘

雨

那解一心忡盼捷期猶遠謂霓望又空都稱時可待  
耳厭慰言充

春雨如膏常言也然弗多見茲繙左傳始知其由來

左傳襄公十九年季武子答范宣子曰小國之仰大國也如百穀之仰膏雨焉後人謂春雨如膏本此

若夫陰雨膏去聲之則見詩經膏膏恰宜對管子之風

風因並識之

詠淳化軒庭梅二首一韻

庭梅自與盆梅異謝却火攻何礙遲猶憶昔年言理趣

顯仁藏用會於斯

顯諸仁即藏諸用一闔一闢生生之

以遽棚向陽開門春暖則徹棚花發即一梅而顯藏之理可會丁未淳化軒對庭梅作識語中曾闡其義

今年春冷因通閨最早山桃亦放遲却是庭梅具深意

送行幾朵發英斯

向年庭梅至春仲已盛開今歲以通閨花信俱遲日內將啓蹕西巡枝頭

數朵舒英  
如有意然

### 再題壬申所寫青蓮朵卷

移自杭城一朵蓮

是石乃杭城宋德壽宮故址中物辛未南巡至杭見之其後地方大吏以

便舟貢致因念其事已成遂置碑傳梅石峙亭邊德壽宮有之御園而錫以是名並繫以詩

梅石碑相傳為藍瑛所作乙酉南巡就視始知梅乃孫  
欽作而石為藍瑛筆也且碑刻漫漶幾不可辨因重撫  
勒石舊碑之側以正其誤此卷乃壬申所寫屈  
指已四十年矣展閱重題以誌歲月易得云

壬申寫

卷今壬子迅閱流陰四十年

浙江巡撫福崧湖北巡撫福寧各報得雨詩以誌

慰

農資好雨總於春各報霑甘仲半旬

福崧奏浙江各屬於正月二十四及

二十六七八九等日得雨深透之後又於二月十一十  
三十六等日得有時雨福寧奏湖北各屬於正月十五  
六等日得雨之後又於二月十六七八等日得雨霑  
足該二省得此繼澤麥苗益加暢發農民歡慶可知省

異近遙發殊日章同湖浙到清晨

福崧摺於二月十七日拜發福寧摺於二

月二十日拜發同於今早接到以浙江杭州省城較之湖北武昌省城遠數日程耳

胥吾民也為

之慰祇此地芳望以頻期較昨年日已近

去歲京師以三月初六日

得有透雨今

肯因遇閏意遂巡

農人謂今年遇閏以節氣而論似較去年尚早

然予已望之殷切不敢自恃為可待也

### 啟蹕西巡往五臺瞻拜之作

五臺隔五歲趁老一瞻臨馬御試已力駕班喜衆心

今日

起程於泉宗廟傳膳後御馬以試已力頗覺控馭如常送駕及扈從諸臣無不欣喜沿途柳發綠

平野麥抽鍼益切思甘雨西山作薄陰

良鄉縣行宮再疊辛丑前韻

午年曾駐館

丙午西巡五臺曾駐此至今又隔五年矣

子歲又經輿賡韻忽

成兩紀行未可虛三春憩庭院一瞬閱諸居先此

兩陵謁例遵前度如

丙午春亦先恭謁詣五臺此次程途仍依前度

泰陵後

福康安摺奏進兵一切情形詩以誌事

經理郵書待日深

自前月廿七日接福康安奏摺後又已經旬日內正深盼切

行宮

茲閱策籌忱

是日駐蹕半壁店行宮

兵糧軍器饒俱備

前據孫士毅鄂輝奏

明前後藏共辦糧七萬餘石牛羊二萬餘隻茲福康安奏稱現今新設各臺烏拉將糧石趕緊運送牛羊俱在有草地地方牧放通盤核計儘敷兵食現咨會孫士毅毋庸內地轉輸以節糜費又奏就近於前藏南界貢布地方採辦硝磺並宣諭濟龍呼圖克圖扎薩克喇嘛堪布唱布倫等令將該處商上存貯火藥二千四百餘觔鉛丸二萬八千觔交出運用以省內地運送之費至稱各寺喇嘛及唱布倫等俱有自養好馬現在酌加賞賚選得健壯好馬一百匹將米仍可添買數百匹一切籌辦周安充裕深為嘉悅

殿後直前佈以

謨更勵外疆先進勦

昨據鄂輝等奏於正月廿四日已將聶拉木存寨賊人全行轟斃福

康安未曾奏及想尚未接到軍報所有絨轄濟龍二處均與賊境毗連為大兵進勦要路尚有屯聚賊匪自須上緊勦除以利果入至奏稱附近廓爾喀之布魯克巴作木朗披楞三處業經檄令發兵攻賊又西藏帕克里

邊外哲孟雄宗木等部落久為廓爾喀侵佔帕克哩營  
官率領番衆將該二處打仗奪回並即諭令該二部落  
乘勝直搗賊巢等語細思所辦未免失之太早前此福  
康安奏布魯克巴等部落與廓爾喀不睦令其攻勦賊  
匪朕以為為臨時俾令牽綴賊勢未為不可原非藉其兵  
力以為搗穴擒渠之計今大兵尚未到齊遽令外部投  
順之人與賊接仗計非  
不善未免過於求速矣却虞猾寇預聞音  
處固屬可嘉惟是該二處及布魯克巴等部落素被廓  
爾喀欺陵則其畏懦無能已可概見若於大兵聲討之  
時令其同時進攻俾賊匪策應不暇原可得力此時先  
令深入幸而得勝則該部落轉居其功若不能取勝轉  
令廓爾喀知大兵將至得以早為設備其於進勦機宜  
殊覺失於計算雖萬里之外兵難遙度而遲速緩急情  
勢顯然不能不為指  
示俾知慎於將來耳不為遙制塵遙念萬里原來一寸

心

題永慕齋

預宿依然值此齋隔年不易一中懷水流那識人心憾  
破夢泠泠響繞階

恭謁

泰陵

春秋又經歲

天地此埋哀緬想

殷勤治惟慚繼述材

龍光攀久矣駒影迅誠哉歸政三年近

計至丙辰歸政近餘三年此皆

仰荷

在天之靈默加佑相得為今古

謝

全人屆時仍當重詣

橋山用仲虔謝

恩當重來

恭謁

泰東陵

萱祀成虛語龍鱗更長

上聲

科徒思辛巳况

迴憶辛巳春

恭奉

興祇謁

泰陵僕指已三十餘年今昔之感曷其有極

空此季春過設使

高年在纔經

百歲歌

辛卯歲猶得恭祝  
歲辛亥纔當

慈寧八旬萬壽計至昨  
百歲大慶竟成虛願益切愴

懷

叩頭默屈指搶地痛如何

黃金臺四用沈德潛韻

丙寅逮壬子卅六度燕臺已似駒影過豈誠駿骨來反舊

詩意

千秋話徒述五頂

五臺山有東西  
南北中五頂

路重開沈句頻賡

韻惜他空恃才

沈德潛生前被恩最渥乃為逆犯徐述  
夔曾作序文身後致罹過譴文人恃才

而不自檢飭  
可為嘆惜

御射碑

易州西南沿徐水有北魏太武御射三碑各異其地飛矢踰崖亦尋常事不至紀石至三或亦誌乘訛傳耳太武政績多有可稱故復詠之

三銘曾說峙三碑紀烈寧須一再為掃統

用北魏書帝紀論

設

非多實蹟踰崖飛矢底堪奇

五公城有詠

漢北平侯王譚子興生五子隱居此山中世以其

舊居為五大夫城光武時封為五侯即中山五王也俗又號五公城見酈道元水經注今其遺址已無存者

酈注空傳五大夫試尋雉堞杳然無秦松幸矣有補種丙年過此詩有云勝五大夫冒秦號千秋也據岱之陽然泰山之松雍正年間內務府總管丁皂保監修工程時所補種者而此處遺蹟無存茲詩因又反其意岱領至今仍五株

漸離城

漸離知已報荆軻無救亡燕豈足多太史好奇饒變語

不如鞠武守中和

史遷好奇於荆軻傳尤甚燕丹以太子日造軻門下  
求匕首招舞揚白衣祖道路人皆知之秦豈一無聞  
見安望成事且軻事雖成焉能救燕亡國之禍不如  
鞠武之言行危求安造禍為福為中正之論也

清明

三月十三日

一寸纔生麥千畦未種薅

月令孟夏麥秋至蓋麥種於冬經歲乃熟故曰宿麥詩周

頌貽我米年薅通作年玉篇云春麥也謂種於春者  
蹕途經覽麥待長發薅待播種望沛優膏頗為懸切卯

陰徒佇望辰霽更增愁

是日景如是

所幸風無作

農家忌清明日有風

則雨少今日幸而無風

亦甘

甘心之甘非謂雨也

雨且休擣吟不成句惟是

識先憂

### 批摺

日常批摺發行營

向來巡幸之日京師各衙門章奏俱隔二日一遞行營即於當日批閱發

回至每日遞到各省奏摺駐蹕後亦無不立時批發習以為常從無留牘也

肯以巡疎機務

情濟兗重稱霑雨透

前據江蘭泰山東各府州屬於二月中旬均得雨澤茲又奏稱省城

於三月初四五等日得雨深透隨飭查濟南泰安武定兗州沂州登州青州萊州濟寧等府州屬同日得雨三

四五寸不等即春雨較少之東昌曹州臨清一帶亦俱  
一律均霑而省城又於初八日酉刻至初九日午刻密  
雨連綿極為  
霑足等語  
淮揚兼報暢雷鳴  
今日漕臣管幹珍奏淮揚  
艘過淮日期附奏

自二月以來天時和潤麥田長發三月初三日晚  
至初四日雷雨應時甘膏遍野於大田更有裨益南糧

### 二進繼頭進

管幹珍前奏本年頭進幫船於二月初九  
日俱已過淮茲自二月初十日至三月初九

四日所有二進漕船三十三幫共船一千五百六十三  
隻亦俱簽盤過淮又稱南糧頭進幫船已於二月十五

日全數渡黃二十七日頭進尾船約入東境沿途行走  
甚為迅利查上年二進糧船亦於三月初三日過淮而

今歲遇閏則將來抵通之期  
較上年固已早至一月矣

### 齊地麴萌續麥萌

東省連  
得透雨

江蘭奏稱不特冬麥日見滋大而春種之  
麴亦皆出土青蔥農民歡忭實覺倍常

却見憑輿出

土者寸餘待澤為怍怍

木蘭祠

三時務農一習武從古訓兵之長計一日暴之十日寒其無益也夫何異甚至以女代男行此實毆羊俾虎飼木蘭之祠重過茲作歌復為申其義

王陵城

平勃安劉呼吸際設非左袒事難諶廷爭後不復視事少戇終為不負心

平勃安劉定於左袒一言其事機危在呼吸之際設  
非呂后亡其事不可知也史遷變言方若高帝有先  
見之明而終賴平勃者然予向謂漢高必不出此屢  
見之吟詠迨其後平勃聽張辟疆之言馴致諸呂擅  
權幾不可救脫呂氏尚存安劉之言其必可驗乎高  
帝謂王陵少戇然陵固不負初心者先儒云人臣之  
義當以王陵為正是也

望柏巖山詠賈島

少年曾說入沙門去聲儒行墨名那解論設使不逢退之者誰知島瘦至今存

長城

長城非啻嬴秦時戰國各據各有之易水東流坡陀處  
頽垣敗壘偶逢斯土人尚可徵杞宋傳說燕趙分疆茲  
爾時王政弗行久強食弱肉爭雄雌嗟乎黎庶奚安土  
無已版築聊保基寄語欲云復古者是即封建之所貽  
命寬免經過州縣所欠米穀麥價詩以示志

經途例免十之三

每次巡幸經過沿途州縣俱免應徵本年地丁錢糧十分之三遂為定例

猶恐或為隅向談歷覽連塍雖麥茁正殷遍野望霖甘

載咨民借價多欠因命旨頒恩普覃

此次巡幸五臺經過直隸之大興安

肅新樂正定定州望都清苑新城等八州縣雖已依例蠲免惟念該州縣尚有節年因灾出借米麥穀三萬四

十五百五十餘石小民輸將未免拮据因再加恩概行豁免用示惠愛無已至意 昨夕雨霏不

成寸

日來望雨正殷昨日雲氣頗濃至晚得雨一陣尚未及寸實為可惜

曉看乾壠惜何

堪

### 題趙簡子祠

識人從諫智謀奇宜得千秋留故祠獨笑重儔秦繆事  
史遷立傳費虛詞

按秦繆公之帝所已屬荒唐謬悠至趙簡子亦有之  
帝所聞鈞天廣樂及射熊羆諸事不過欲神奇其滅  
二卿立毋卹之意史遷好為奇誕諸皆類此

過堯城村

四千一百歲凡幾更滄桑獨此荒郊村尚爾稱陶唐每  
過仰高山瞠乎徒望洋所幸讀東坡命舜事紀詳

昨歲  
讀蘇

東坡書傳註堯咨岳事時年八十六計予歸政時年正  
與堯相同實為厚幸自揣精力尚健僂指四年惟有益  
加兢惕以冀仰邀  
上蒼佑貺耳慎此四年間籲

天庶賜祥茲仍業乎位惕乾勗自強

向錫八徵堯念之  
寶副以自強不息

仍即錫古稀天子之寶  
副以猶日孜孜之意

### 曲逆故城

奇計出圍世莫窺酬勲曲逆亦其宜設非天奪呂雉魄  
劉氏安危未可知

漢高知人善任於平勃諸人無不知之悉而論之當

金匱要略卷之四  
卷七十一  
至呂后之幾危漢祚高帝未必預燭之也史遷好奇  
竟若先知而終令平勃安劉者然假使平勃先呂后  
而亡左袒之策亦何所施而劉氏之安危豈可定乎  
向書漢高帝論蕭曹等事已詳辨之茲因過曲逆故  
城復申其說

水竇巖詠古

誌稱水竇巖乃在曲陽縣我行非玩景可望不可見望  
寄興遠託見資目前現所以略邱壑試詠其否善叶斯

乃章宗

金

貽家法世宗變右文弛其武習俗耽安晏金

源於是衰修禮何足羨為國忘祖風自應失

天眷

廣利渠

乙丑直隸督臣高斌奏請疏濬是渠引唐河之水  
注之灌田因錫是名

重經此地憶賢臣引水興鋤為利民工作有則不無廢  
濬疏勉爾後來人

水固有自然之利然興舉不易而堙閼亦其常必藉時加疏濬之功方能垂之久遠巡方過此繾賢臣庶農事尤有望於後來司茲土者

靈濟祠四疊舊作韻

遙源來晉省靈濟俯今渠

唐河發源山西之靈邱縣向開廣利渠即引其水注淀溉

田至今民享其利是祠以渠成後而建用答神麻

藉此天然利庶因民力舒邊

傍樸之室適可憩而居視昔聊俯仰倏焉卅載餘

渠開於乾

隆乙丑迄今已四十八年矣

愜適齋

蕭齋三架古祠旁小座亦欣翰墨香  
畫吏雖然勤供奉以為多矣恧無惶

秀木軒

當年植樹已龍蔥依舊春前丙午風  
却憶右丞有佳句興雖同矣境非同

麥苗

向南麥苗長

上聲

二寸餘芄綠問知兩經雨雖微潤根溥

詢之梁肯堂知此間二月下旬三月初旬已經得雨兩次雖欠透足而麥根尚覺滋潤旬日內得有霑澤猶不為遲也

然而地旋乾揚塵日以暴因之企繼霑雙眉仍為

感

### 普佑寺

蹕途漸近西時復過招提隨便金仙謁久看普佑題因思濟物衆豈異愛民齊少憩旋登路覲光匝路篋

### 阜平縣五依

### 皇祖詩韻

耕田當朔堯徵夏亦在杞為政戒紛更愛民實基址毋  
謂民可欺莫嫌風多俚聽其不知識任彼勤耘耔漫云  
興禮樂惟切恤旱水臨蒞雖多年勉此數言止

皇祖昔經茲施惠瘠縣起鷄鳴犬吠音安堵接隣里西  
巡凡六過匪尋景光美古縣俗尚樸允吾心所喜免賦  
循常例詎計以恩市五字出平易求治無奇理

軍機大臣會同河南巡撫穆和蘭議奏豫省河工  
官賠民欠幫價銀兩加恩分別減免詩以誌事

豫撫宣來議河賦弊斯久矣始知詳

修河工每年歲修搶修所需物料俱有

例價自乾隆三十年河南撫臣阿思哈以工多道遠創為幫價之議於沿河三十二州縣按糧攤徵并於前一年在司庫預支購辦續行攤徵歸款又經畢沅奏於通省均攤於是踵行日久因循漸積民欠至有一百八十餘萬其中獎實叢生殊難究詰又有五十五六七等年尚未攤派銀九十六萬餘兩昨經穆和蘭奏請分年帶徵因令軍機大臣俟其迎駕時會商妥議具奏朕始悉其原委不可不亟思籌辦清釐以杜弊端在民過半寬其欠現在已攤未完銀一百八十餘萬兩前已加恩令分作十年帶徵為期已屆寬裕但念銀數過多逐年催徵民力未免拮据甚堪憫惻前降諭旨欲俟朕歸政之期再行酌量加恩惟是朕於加惠黎元之事從不肯靳澤逾時因令祇交四年而四年之數仍分八年帶徵具一百一十餘萬概行豁免俾小民

早沾實惠於吏平分責以償至預攤未派銀九十六萬餘兩在創為幫價之員及踵行給發

者均難辭咎自應照議著歷任總河巡撫以下地方河工各官分別賠繳第念歷時既久經手多員因并施恩免其四十六萬餘兩其應交五十萬兩原議三年交納者並展作四年此實於無可加恩之中曲示寬仁諸臣應當各發天良自知感勵也市惠利私懲合示河工歲需料物由各州縣採購至工程開

銷則係河員經手撫臣河臣等幫價一事創議踵行不免有心市惠而屬員中藉以侵漁肥己亦難保其必無此次分令賠繳實彼等咎由自取在朕固已恩施格外矣近鄰遠隔異誠當沿河三縣民生自衛田廬原於遠河各屬無涉今因遵行已久派令均攤亦屬衆擎易舉只可如此議行若當日經理安善不致通壓積欠即有幫價亦祇湏沿河之民吟餘各出己力何至累及通省且於事理亦為平允也

獨愧平成我

誠能河永安瀾則冒功累民諸獎皆無矣

南望惟殷視若傷

題近清齋用丙午韻

辛歲經營初發帑丙年來往早成齋

向來西巡大教場一站率御行營車

丑迴蹕發帑命臺吏構築行館數楹至丙午年來此則已落成計至今歲又閱五年矣

光陰隔五

誠迅速點綴嫌多費設排雪嶺預防作行館

往歲過長城嶺多遇

雨雪馱載行營每虞遲滯是以添建此館以利衆人行旅

春陽却喜發新芳顧茲寧

匪圖安逸拈筆之間慙滿懷

賜直隸扈蹕官食並詩示訓

賜食宮門御同欣風日和向常無酒醴

本朝定制几年節大小宴僅賜

酒一巡至於巡幸所至賜扈蹕地方官食則僅有樂而并無酒蓋於示忠之中仍寓飭戒之意云

却自

有笙歌即看晉郊莅明當燕境過驅馳頒勞

去聲

賚民務

莫疏訛

### 春祺室用丙午韻

前齋勅政慎後室憩躬宜莫匪惕乾處敢懷遊賞思旰  
宵一身勵斂錫萬民祺量吏頻宣問恩綸次第施

### 青來閣口號

西望長城嶺近哉憩居一宿暫徘徊高山策馬明當度

所願青來白

謂雪

莫來

澹漪書屋

坡陀引水易成池書屋開窗俯澹漪鏡面偶然顧影處  
自知是乃屬多為

策馬度長城嶺

詣臺長嶺必經過向每逢斯雨雪沱因建行宮備憩宿  
欣看今歲值晴和千乘萬騎願同愜黍隴麥町惜獨多

此次策騎度嶺幸賴天氣晴明即扈從人員下及瞻仰  
夫役無不慶幸惟春田待澤欣喜之餘仍深體念瞻仰  
遂他衆情切依然策馬度巖我

笑題招提寺

招提梵語漢言寺譬水那更洗水哉欲勝不知誇獨識  
知之者乃笑重儻

益壽菴有會

益壽經幾度每經情異生情實託乎境茲境原未更然  
而內外異外為境內情內由外之引境忘情豈萌一言

更進之情泯境那呈歷來喜與憾

平已經此有最喜菴名稱益壽之句辛丑

人微惟增感感可知境因情呈而非情緣境異也

境付不知平

御製詩五集卷七十一

欽定四庫全書

集部

御製詩五集卷七十二



欽定四庫全書

御製詩五集卷七十二

古今體八十首

壬子四

龍泉關六依

皇祖元韻

巖闕界燕晉崇嶺疊雲空迎送兩省異諏咨一意同官  
方戒貪墨倉貯可懷紅本是旰宵念臨觀更切中

王箭山四疊舊作韻

康熙二十二年

皇祖經此勒馬連發三箭俱越巖頂是山因以得名茲  
來四賡舊什永誌欽承

晉巡諸事謹尊

聞策騎示他七萃羣幸爾康強仍一已况方撻伐啟三

軍

去歲廓爾喀賊匪復擾後藏官兵以道路寫遠不及  
追勒而彼已遁去勢不能不於今春雪消道通後大

戎

張撻伐以示國威而靖荒徼且詰  
家法亦當長此慎守也

神威永共巍峰迴我武行看荒徼分臂病自慙罷弧矢

昔年習射率皆十中其九自庚辰臂病後  
遂罷步射今茲翹企  
聖蹤祇增愧慙空教翹首望  
春雲

湧泉亭

一嶺東西分兩界嶺西晉水嶺東燕曼殊境近因何識  
即看湧崖功德泉

寺側蕭齋備駐蹕樸非華憇一宵便舉頭壁上舊題句  
昔隔五年今十年

中臺臺麓由旬隔  
臺麓寺在中臺東四十餘里志乘  
梵語謂四十里為一由旬去

一泉兩處訛泉更在臺麓寺東舊誌稱在中北兩臺之間誤也文人記載失實類多似此却  
笑從來史筆者似茲魚魯實誠多

射虎川

幾度經川翹

聖武一經必一企

神威遵長城嶺而西絕壁灌叢昔年皇祖曾射虎於此是川因以得名每一經遇輒深欽仰百

年休養人烟富此日山林獸跡希此地舊有虎今則人烟稠密耕壤相錯猛

獸屏跡足徵百穀力怯步櫻鎗未試昔侍南苑曾親見手持

利鎗刺虎予愧  
力怯却未一試  
心勤馬射策曾揮  
已亥木蘭行圍伊綿  
溝虞人報有虎率虎  
鎗擊刺虎忽逸去因御安吉驄追及之壹發而殪是日  
新附諸厄魯特台吉適至隨往圍場無不齟舌驚喜曾  
作射虎行  
紀其事  
頻詩豈為誇摘藻

家法欽垂永莫違

### 臺麓寺

靈鷲中峰據斯麓實南屏氣象已覺殊入路所必經精

藍坦向陽日面月面呈佛大圓鏡智

文殊為佛大圓鏡  
智見秘密無上陽

體根本經隨處示色形百千萬億身是一非一明左側列靜

室微嫌點綴精成事久不說遂與春夕停舊句歷歷觀  
適可悅性靈

靜寄齋

靜寄盤之莊

盤山為靜  
寄山莊

靜寄臺之齋為一抑為二殊難

置辨哉彼則所常住此隔數歲來住已過去幻來謂現  
今乖斯誠寄而已曼殊如是該

雨花堂口號

堂以雨花數梵典雨其花者究為誰若論臺谷親切句

却合文殊致問時

駐白雲寺行館作

臺谷由旬路吉行鮮忙事適於其中間舊有白雲寺邊  
傍行館在亦久向年置奚妨駐一宿且便息從去聲騎雲  
與寺常住而我適重至過去來現在幻也胥名字堂中  
坐金仙首肯如是義

靜宜書屋戲為禪句

作者兩靜寄

昨於臺麓詠靜寄齋因  
及盤山之靜寄山莊

已曾留有詠茲為

兩靜宜

此書屋名亦與香山靜宜園同義

亦復攜吟興靜當無一物何

致四稱並曰寄及曰宜各雙互據勝斯誠分其心役於物紛競然而轉語存有應即無應是地合是語却非王道正

白雲寺西齋作

西齋舉首見崇山山上虛軒疊翠間八十老人懶攀陟白雲付爾往和還

寄詠清涼石

山本清涼山

華嚴經疏謂五臺山歲積堅冰夏仍飛雪曾無炎暑故又名清涼山

寺即清

涼寺石亦號清涼一以含三暨憶我辛巳年跋馬曾偶  
至見石如卧牛番僧陳其義秉誠可轉動即命彼為試  
顏然畧弗搖面赧僧徒愧笑而謂之言弗動乃佳事是  
誠真清涼默契第一諦巖蹊阻且幽弗往詩權寄

祇林

重看兩字由誰起橫嶺豎峰總鬱森會得文殊採藥語  
不妨隨地入祇林

娑羅樹四依

皇祖詩韻

欲稽誰種不可得滄桑恒此中臺植震旦曾弗知其名

曰是娑羅梵僧識色空空色傳真形殿前聳峙太古青

七出葉衍七佛偈

娑羅樹葉皆七出

以風拂偈鳴泠泠有說為

仰無說偃獅吼孤鳴相去遠

有所說為野狐鳴無所說為獅子吼見梵典

喬

枝落落息分別拏影虛無暎堯嶽

奎文妙義包團圞覆同古幹垂影盤四賡八韻卅五載

師利祇作如是看

戲題棲賢寺

棲賢題寺是誰為前繞清流可樂飢設使紫陽忽到此  
定當不顧背而馳

殊像寺五依

皇祖元韻

五度廢

奎什六番經淨筵

自丙寅至今歲凡六經此惟辛巳年  
係另拈韻題句餘皆恭依元韻

惟乘一時暇那解四科禪結習忘存昔妙因不礙前曾

親圖相好

辛巳瞻禮此寺心識文殊相好於行營即募為小圖迴鑾後又展為大圖隨命於香山建

寶相寺肖

未識否乎然

像其中

靈鷲峰文殊寺瞻禮偶效禪語

六度重茲到五臺默符天地數中該

漢書云五六者天地之中合予凡六

度來五臺共數

不期再至却常住

予八句正壽以前於中祀已皆親祭一

適相符協云

週以盡抱蜀之職茲來五臺瞻謁亦猶中祀一週之義歸政前可不再至矣

既曰言歸底幻

來大士如如據蓮座金容永永鎮華垓

烏斯藏進表皆稱曼殊師利大

皇帝曼殊是佛妙觀察智而切音與滿洲二字相近瞻謁金容實祝國朝萬年丕基之慶  
本無二七字因緣詎辯才  
梵宗儒理

右據蓮座一作弗念動鎮華垓一作泯心灰更覺超然並書識之

真容院口號

即靈鷲峰文殊寺舊名

五臺寺那屈指數此院獨稱容是真設曰一真餘則幻  
天花知必著斯身

清涼山六依

皇祖元韻

六度全依

庸作蹤

昨題殊像寺靈鷲峰文殊寺計六度俱五依皇祖元韻此清涼山則已六廢韻矣五

臺仍舊柏和松是清涼者山頭畫忘色空惟雲外鐘  
奎藻流輝世以永曼殊如識我來重相提漫問全與半  
證在宮堯幾疊峯

登中臺靈鷲峯瞻禮遂駐臺懷優賚晉省衆民詩

以誌事

中臺今復陟峯巔風日晴和法有緣欣我七年願重遂

宜他通省惠加宣例之三者增為五

每年巡幸所至例免經過沿途州縣

錢糧十分之三茲因五臺非清澤常臨之地所欠以半有該縣本年地丁錢糧命如恩蠲免十分之五

當道與全

昨經直隸地方寬免大興安肅等八州縣民欠米麥穀三萬四千五百餘石茲詢據馮光

熊奏晉省大同朔平二府舊欠糧二萬餘石已經徵收一半所有未完一萬二千餘石因即降旨全予豁免以

示省方施

惠至意 乘步輿登罷策馬八旬有二合應然

### 清凝齋疊丙午韻

前為堂即後為齋舊句重瞻韻與諧叅佛幾曾泯空色

吟詩却不費安排  
寒因地迴林遲葉  
陽向暖烘砌發  
荻  
槁藻已多宜靜坐  
凝思片刻適清懷

題恒春堂再疊辛丑詩韻

恒春復此度光春  
適可文殊叅宿因  
樸斲行宮據崗阜  
聳圍後嶺峙巍峴  
雖云結構成畫吏  
豈不掃除勞里民  
奚待更咨歲豐歉  
施恩一例渙新綸

雪

三月二十日

度嶺及登峯晴和衆  
喜容佈雲卓午厚  
降雪逮申濃亟

暢配藜勢那量尺寸重

二十日過長城嶺風日暄和即本日早至臺懷詣靈鷲峯文殊

寺瞻禮猶覺晴朗午刻作雲及中而祥雲酣涯頃更委積約有尺餘易勝欣感

向東希作兩優

賜一犁農

京師一帶正值望澤之際或今日已獲霑膏亦未可知即馳諭留京王大臣迅即覆奏以

懷慰座

晴

徹夜雪酣渥辰晴恰是佳地靈真示佑春暖更宜懷萬

旅同增悅

山中氣候本寒遇雪益甚幸今早即晴午間便已和暖扈從人等無不欣悅

一心

獨覺乖虎臣中路返憐惜恨無涯

奎林向在軍營勇畧過人屢著勞績此番

征討廓爾喀因自臺灣調往為叅贊大臣前接孫士毅奏伊過打箭爐病勢頗重猶自力疾趨行今早據孫士毅奏稱已於中途病故戎行少一得力之人為之悼惜靡已因加恩賞給內庫銀二千兩並入祀賢良祠仍照例議予卹典以示優眷

### 題董誥雪山

曉霽申霏六出奇特教題畫有真姿

昨廿二日得雪竟夕酣渥連曉暄霽

山容圖景互相揮映益多真趣

仍斯山也仍斯雪底論羲之與獻之

已平

西巡時董邦達扈從命即景為雪山閣廿年辛丑其子誥扈蹕來茲曾命仿父作至今又十二年矣再題茲什

聊識  
流陰

直隸布政使張誠基報雨詩以誌慰

分疆各有任地吏阜平存

直隸總督梁肯堂扈從來五臺是以藩司張誠基奏得

雨情形據秦阜平地方亦於二十二日自酉至丑得雨三寸餘此間在北氣候寒故得優雪其為滋潤麥苗有益農田則同也此雪彼作雨北寒南向溫總為潤麴麥實足利

黎元京縣亦霑否東瞻冀

霑恩

惟冀京畿是日亦得均霑殊殷盼望

題胡桂山水口號

名山過雪真容現頂上浮雲脚底歸不是臺懷親見者

誰能如此入精微

賜山西扈蹕官食詩以誌事

優雪霑渥澤快晴朗嫩暄既欣利麴麥乘暇賜饗飧俗

樸無慮侈政嚴那若溫米鹽民食賤

近年為調劑河東鹽務之說者非換

商即加價不知商已屢換而殷戶漸少價已屢增而市  
值日昂惟有課歸地丁似可一勞永逸而阻其議者又  
云改歸地丁事類加賦停止商運淡食堪虞因於馮光  
熊調任晉撫時面諭令其與藩司蔣兆奎悉心籌議嗣  
據奏稱歷年正課增價俱出於民若課歸地丁則每年  
祇出正課四十八萬不但不加賦而已少五十六萬之  
增價至於有無懋遷百償皆然何獨食鹽艱於市販  
更可無虞淡食事理瞭然實無疑義已即令大學士九

議奏允行茲來屢加詢訪鹽價已賤既  
不累商抑且便民可謂試有成效矣

休息意當存

### 寶塔院

兩塔今惟一尚存既成必壞有名言

寶塔寺在靈鷲峰下云有阿育王所

置佛舍利塔左有文殊髮塔見一統志今祇存其一物之成壞固各自有其時然亦未識今所存者為何塔也  
如尋舍利及絲髮未識文殊與世尊

### 顯通寺四依

皇祖元韻

有暇命輿重招提非迴峯

寺構山岡平坦處舊名大孚靈鷲寺漢明帝時摩騰法蘭

西來見此山乃文殊住處奏請建寺明永樂時方改今名既因尋佛跡亦在仰

堯蹤境以通而顯雲如淡且濃忽成片時坐行漏屢鳴

鐘

今西洋小表有自鳴鐘頗準

### 羅睺寺

佛子羅睺羅九歲家能捨

長阿含經佛說我今有子名羅睺羅九歲出家為沙彌

十大弟子中密行第一者試問與曼殊是一抑二也庭

松獨無言謬謬清籟瀉

寄題北臺疊舊作北臺眺望五依

皇祖元韻二首

北頂最高處曼殊有法宮初來曾造極五度例迴中

丙寅

年初來曾登北臺自後以其地高峻修築道途衆勞堪念於是庚午辛巳辛丑丙午遂皆遙望未登茲來亦即依例僅至中途之普樂寺亦弗入便迴鑒也為念衆勞切不妨一意融笑

如望滄海誰果到其蓬

章嘉駐錫寺

名普樂

梵行聲

衆誰躋示寂無來去

章嘉國師戒律

精嚴清漢唐古特文皆深通當與談論無不心契乃丙午於此別後遂爾示寂雖在彼法本無來去而俯仰之間難忘

陳迹跡陳徒仰低茲雖弗顧返難罷重吟題却被蒙

莊笑似忘論物齊

五臺山天花詩五依

皇祖元韻

試問天花紅白青  
擷芳擬欲畫為屏  
維摩居士應含笑  
似此於心那得寧

靈鷲峰文殊寺五依

皇祖元韻

五度賡歌遍六番  
歲月遙

丙寅至今歲六詣  
北寺已五依

五臺瞻禮  
皇祖元韻

惟庚午未曾廢  
韻亦未題句  
屏營瞻法座示像鎮雲寮日並

奎章耀風隨梵韻飄章嘉宣誦處窅堵忽崇椒

丙午來  
此章嘉

國師猶率番僧誦經  
今示寂已七年矣

### 文殊寺靜舍作

古屋祇三間却自

堯年有十笏可容膝  
五字曾題手隔壁喧番唱云祝無  
量壽有言野狐鳴無言獅子吼  
問汝偏袒者此義亦知否

壽寧寺得句

壽寧寧壽文義一預葺菟裘娛老丁

丙申年葺寧壽宮為丙辰歸政後娛

老之地亦凡事豫則立之意耳

丙

午

歲來茲偶會意

壽寧即寧壽也丙午來此偶會其意

因有待以十年久能乎聽

吳靈之句

壬子

年如是未殊形耄齡不擬重

涉遠暇日何妨且靜停昔以十期今賸四

逮歸政尚餘四年

承

恩近矣仰

圓靈

玉華池

山泉流就下畝平艱致池是處一泓聚鏡影居然披崖  
根淙乳竇溪面拖雲脂月亦朗為圓風亦清為漪是謂  
玉之華而玉付不知

### 題羅漢坪

淨慈五百羅漢像東坡曾是言其理

西湖淨慈寺有五百羅漢東坡謁本

長老和周長官詩有卧聞禪老入南山淨掃松風五百間之句

我因一再肖為之不獨

兀坐而已耳各種遊戲無不具甲乙作記亦久矣

予於萬壽

山肖錢塘建羅漢堂第不似淨慈俱作兀坐狀惟各取梵經所載自甲至癸作十記以標其形狀不復一一安

名立字亦惟是不即不離之意耳熱  
河羅漢堂則皆列生且各具名號

臺坪示此叅曼殊

却闕其一艱議擬安生或具別解乎

世傳安生肖像五百羅漢曾闕其一

其故不可擬議要之一與五百原無殊視  
正不必作分別想安生亦弗傳為何人

一與五百豈

殊視無一即是無五百所叅大士同斯旨言之是乎抑

否乎擲筆大笑前途指

陝西巡撫秦承恩奏鹽務情形詩以誌慰

賦攤租減同三省益否與民尚念之

晉省河東池鹽向於山西及河南陝

西三省附近州縣行銷因近年積弊已深雖屢經換商  
增價而商力日疲民苦貴買上年令該撫等悉心會商

條奏復令大學士九卿等核議奏改課歸地丁實於商民兩便已即如議先行惟章程初定成效未見不免時為懸臨境悉咨知晉便茲來五臺詢之晉撫馮光熊滿座司蔣兆奎等僉稱自改定章程

以來數月之內鹽價便開函復慰即秦宜本日又據秦承

等四十四廳州縣向食河東池鹽上年議將鹽課攤入地丁銀兩自入春以來貿易之人俱各爭先販運現在西安同州二府鹽勛充裕較之往日每勛約減錢二文其興安商郊乾等府州屬亦俱陸續運到價值有減無增各糧戶以買鹽所減之價完納所攤些微鹽課尚有贏餘等語可見調劑得宜其效立覩鹽勛為閭閻日用所必需之物以每日節省之數完一年應攤之課既有贏餘當無不踴躍輸將在國家並無額外加賦而小民均得食賤之利秦承恩所奏罷商淨去賄求弊近年以與晉省情形相同洵堪嘉慰商力艱

於銷運節次奏請換商而地方殷實之戶懼致賠累有  
賄囑州縣官免其開報之弊今將鹽課攤入地丁不復  
簽商則貧民均沾實惠而加課輕於貴買奇初議更定  
富戶亦長免賄求之累矣  
時朕亦慮及有類加賦之舉不可不慎既就臣工所奏  
詳如察核似無疑義方降旨允行今據馮光熊秦承恩  
等所奏現在情形在小民得賤價食鹽而以終年所省  
之費攤入正賦較之昔年商人居奇責售其節省不啻  
倍蓰是不惟不加課而於民轉豫撫尚然無一語命陳利  
獲無窮之利當可久遠遵行耳  
病速郵馳秦晉二省情形既已相同豫省事同一例諒  
議加恩寬免展限積欠一事而於改課歸賦現在祇會  
如何減落情形並未奏及殊不可解因即傳旨令其確  
查覆奏以  
慰座注

登黛螺頂

黛螺不比叶斗高東頂峯之降岡也北望東可復罷乎  
筍輿乘暇言登者五步十步率一息羽林都許乘輕馬  
更東望海峯實近廓然真足小天下五臺文殊智與號

殿中真容肖非假

黛螺頂寺中像設中臺演教寺儒童  
文殊師利菩薩東臺望海寺聰明文

殊師利菩薩北臺靈應寺無垢文殊師利菩薩南臺普  
濟寺智慧文殊師利菩薩西臺法雷寺獅子吼文殊師  
利菩薩未知其義起於何時蓋出  
傳會然總不出金剛六如之觀耳一乎五乎孰是乎不

出金剛六如寫

望海峯四依

皇祖元韻

寺據東峯迴廓然俯下方並肩擬叶斗

北臺峯名

縱日到搏

桑一攬赤縣赤永綏黃教黃莫非繼

家法

前後藏為達賴喇嘛班禪額爾德尼駐錫之地自本朝開創以來即恃國威以為護法康熙雍正年

間並兩次用兵永綏黃教至今西北各蒙古每歲赴藏及來此熬茶各安畜牧予亦惟有謹守家法俾彼

藏地番僧人衆長享安輯之福耳

茲正翦昏茫

廓爾喀以近藏小番在其部落并吞巴勒布之

地往歲侵擾後藏聶拉木濟隴等處邊界彼時命鄂輝成德巴忠等往彼進剿而巴忠自恃在御前行走特蒙

派往諸事專擅又素解唐古特語言竟私同噶布倫丹  
津班珠爾許每年給廓爾喀元寶三百個贖回侵地並  
未振以兵威使之震怖懾服於是賊匪肆無畏忌藉口  
索欠甫越一年復來侵擾並至扎什倫布搶掠器物披  
猖已極此番不得不厚集兵力大加懲創以絕後患現  
在福康安海蘭察等並發往之巴圖魯及索倫屯練各  
勦兵俱將齊集至彼即命深入聲討庶蠢爾小醜不敢再滋事端矣

### 邇日

邇日常接報秦西齊則東胥稱雨有被更幸日仍同

西陲

山東二省各屬春間已均霑雨澤茲又據秦承恩奏陝  
省西安鳳翔漢中同州商州乾州等六州屬於三月  
初七八等日得雨三四五寸至深透不等江蘭奏山東  
省城亦於初八九兩日密雲連綿極為霑足該二省同

時獲被甘膏麥田日慰矣皆吾土慙哉遺獨中直隸在山東陝

見長發堪為慶幸  
西之中初八之雨此間原富雪即霽喜滋融

### 鎮海寺四首

海印發光按指際塵勞先見舉心時

楞嚴經云我若按指海印生光汝纔

動念塵勞先起設云此是第一諦無我無人語出誰

靈隱居然見海潮有人却議近和遙如如大士蓮花座

一例無心付剝蕉

過去波羅似重聽何來窣堵見新安

章嘉國師深契梵宗兼通漢文向與

之言每契禪意丙午尚於此率衆梵僧講經即於  
其年示寂建塔是寺追思禪聚不勝流陰之感  
不殊  
調御金剛句一切有為如是觀

大地周遭自海中鎮之本不費其功欲諮五鬘乘獅者  
此是色乎抑是空

甘露寺作歌

泠泠之露降乎天瀼瀼之露現乎地天地相遙難計量  
而露一滴原非二曰二曰一與分疏是謂迷頭認影輩  
於其迷中復名甘更以甘露強名寺毫釐之失千里謬

那得曼殊謂之是叶喻以佛法本來幻笑其世法或稱

瑞

世間以甘露為瑞也

更有文人騁儻辭曰文曰武分疏義空中

樓閣付弗知那涉語言及文字

笑題明月池

盤轉山胥至山寺蒼松怪石清絕倫寺額明月池三字  
尋勝笑昔題非真一泓椀大隱石罅日間那得瞻氷輪  
設云無乃孤名也却是刻舟求劍人

迴鑾至白雲寺作

數日臺懷騁靜遊亦無妨政廢咨諏便宜成什冊餘首  
峻嶺崇山處處留

曼殊豈止一曼殊梵語清文國號符

曼殊與滿殊音相近今俗謂之滿洲

蓋訛稱也以習久亦弗改正每歲歲中  
判麻進丹書即稱曼殊師利大皇帝

萬歲千秋恒若

是子孫永保在茲乎

向南歸轡頓成暄駟隙光陰逝水翻纔過石橋識熟路  
却尋餘興向行軒

水流雲在杜詩思來往儻然或似之却與寫楹白者道

無妨一宿與俱遲

引懷堂疊丙午韻

前韻重賡丙午堂引懷總是為民長使臣因恚平陽蒲

州旱大吏頻教賑濟忙

乙巳歲梁敦書祭告山陝還奏稱經過山西平陽蒲州二府春

雨未霑因慮撫臣農起或有諱飾再四嚴飭親往查勘並令於平糶緩徵之外加賞兩月口糧幸於其年四月內即得透雨秋成報閱歲仍逢五穀熟登秋屢甦上萬

民殃

丙午西巡來此踴途望見春田長發是歲復獲稔收今番所見無異午歲實堪欣慰

往來此

番

去聲

惟靜賞不異明窓昔日光

山東巡撫吉慶奏通省雨澤情形詩以誌慰

案審胥公當任臨報雨暘

吉慶近年屢經奉差審辦案件頗覺才具出衆去冬同劉

我復往江西連審數案胥稱公當尋授山東巡撫并命事竣即赴新任茲蒞任之初固當奏報雨暘以慰廑注

澤霑一省遍

江蘭昨奏山東省城於三月初八九兩日復得渥澤茲吉慶於抵任後續據各府州

屬六十九州縣具報初九日均得雨自二三寸至深透不等似此甘膏普遍益堪欣慰

農卜萬民

祥春隴芑二麥秋田種雜糧更欣運河暢定早達通倉

又奏南漕挽入東境者截至三月十四日共四十四幫出東境者截至三月廿日共十四幫現在水勢充足幫船行走順利將來抵通之期較之上年定當更早早矣

五臺旋蹕過長城嶺作

去時乘馬返乘輿風日晴和總靄如大勝往遭逢雨雪

前數次過嶺多遇雨雪此次來往俱值清朗  
扈從官員下逮與陸夫役無不欣喜普教此番去聲

樂僮胥天時人事都稱順肝食宵衣敢略疎畿輔望霖

藏盼捷

廿二日駐蹕臺懷下晚即得雪逾尺迤東阜平縣一帶亦同日得雨三寸永瓚等亦報得雨三

寸復向東南則不成分寸又成德克復聶拉木之後即往濟隴殲賊至今亦尚未聞捷奏此二事正深殷念

愁因二者倍殷予

過阜平縣

十日亦豈久麥苗頓改初連滕目滿望三寸語非虛

廿二

日臺懷渥雪直隸布政司張誠基奏是日阜平縣亦得雨三寸慮其或有增飾旋蹕經此見麥苗頓長知非虛

語

却惜狂風妒

是夜風作

仍希甘露濟京畿更稀澤

京畿至今未據

奏得透雨更深塵念何處不塵予

## 箕山

箕山形肖斯猶可班志何增牛飲名

箕山在行唐縣西北本以峯形若箕

得名前漢志南行唐縣注有牛飲山世遂以許由事附會之而不知許由所隱之箕山自在豫省登封縣境於此何燕地豫州千里隔便云善善亦非誠

浙江巡撫福崧湖北巡撫福寧各報得雨詩以誌

慰

浙東湖北報農功兩處封函吟又同

該二省於三月初旬同日奏到得雨

霑足已有詩誌慰茲孟夏同奏到

三月中旬越叨澤

福崧

各屬續得渥澤情形仍并吟一律

奏杭州等十一府屬於二月二十七及三月初三初

五初七等日連次得雨入土深透十一日省城一帶復

得密雨竟日旋即開

暮春上澣楚占豐

福寧奏湖北武昌等十府一州

霽可謂晴雨應時

各屬於二月初七八十三十六七八暨二十五六等日

先後得雨均極優渥省城又於三月初六日得有密雨

至初八日微曉連朝甚為透足餘

更稱渥野即逢霽所

日天氣晴霽日暖風和實為農慶

喜芄苗不礙風獨愧披章似前況今猶依舊望憂忡

前次

該二省奏雨時京畿即殷望澤因有期較昨年日已近  
肯因遇閏意逡巡之句茲猶未得霑足盼望依然益切  
憂慮

### 至正定府作

五臺返蹕東垣莅謁像觀風舊例如耕種趁時他自力  
渥優望澤我難舒呼毋踐麥弗聽也

夾道迎鑾百姓扶  
老攜幼奔走恐後

諭令毋踐麥苗弗聽亦足見歡戴之情  
出於至誠又弗忍加之呵禁耳

便覺揚塵何礙歟

却幸不為民所懼歡迎無萬任隨輿

隆興寺五疊舊作韻

隆興佛香之閣決宙聞我曾三疊七言以頌尊丙午重  
來初成九字體一尚非一詎有二法門如是西天極樂

道場界

秘殿珠林舊有蘇軾大真書西方極樂世界阿彌陀佛安養道場十四字卷

阿彌陀

佛相

去聲 三種相 三 好 上聲 八種好

十 莊嚴雲觀音菩薩此佛大

弟子具佛妙觀察智轉法輪

觀世音菩薩是佛之妙觀  
察智見秘密無上陽體根

經本

三千大千今古無量劫何處不現法相如高旻而此

恒山獨稱甚僥倖千年梵刹頂禮趨紘紘幾經廢墮復

幾經修舉不改者在誰增減毫分

寺勅於隋開皇時至今千餘年其間成壞

新故不可勝記已亥歲命一律重修示現金容所謂常樂我淨之真身誰能增減分毫詳見向所作重修碑記

向以五臺瞻禮文殊返順途至此方當春暮辰穹窿高

閣大士之所住可過而去弗禮申敬神特用長言七字

增兩字亦惟紀實以誌往來身茲則仍如前例以展謁

不料耄耄倏消瞬息云然而堂堂卓立獨尊者彈指頃

視萬劫千秋塵一身兩臂及三十六臂今成匠作昔乃

成役軍

寺勅建於隋開皇六年恒州刺史鄆國公王孝修監造世訛傳為唐之鄆國公尉遲敬德者非

也至今寺中隋碑尚存當年建造寺院皆役軍士為之若己亥重修此寺則悉發帑命吏和雇並不以役軍也

木去銅存實合本身一

寺中舊銅像高七丈三尺本一身兩臂不知何時增刻木三十

四臂鑿銅身嵌其上共為三十六臂又以年久欲墜以鈎索繫之梁間向日見之心殊不愜因己亥年重修此寺乃命解脫所繫木臂仍還銅體一身兩臂之舊

去豈誠去存則斯誠存此番

之頌亦復如是耳豈因難見巧以幻為真寺側行館樸斷實清潔乘興摘藻非儒非佛論斯之謂新視向乃謂舊豈知擲筆此作即成陳途指定州將復疊蘇句一笑而已賡罷丙午春

正定府行宮五疊舊韻

佛閣側行館逮今八十年

行宮建於康熙五十二年癸巳至今歲壬子已八十年矣

六番疊五韻善果即佳緣吏治修無弊民情肫可憐是誠巡狩要不必問僧禪

留京王大臣報雨詩以誌愧

臺山逢渥雪意謂雨廣被各馳諭問之阜平三寸暨向東則漸微即今京報至廿四及孟朔間

去聲

資雨點綴朔

之申雷鳴寸許剛潤地

前月廿二日臺懷得有渥雪阜平亦得雨三寸即冀京師一帶

同時普被傳諭馳詢茲據留京王大臣覆奏京城自三月廿四日微雨之後連日天氣時陰時晴廿八九兩日俱有微雨至四月初一日申刻雲陰較厚雷聲間作得密雨一陣約有寸許初二日丑刻復得微雨雖未優霑尚資濡潤且雷聲發動地氣已通可望甘膏續霈

總未優霈霖略幸通地氣是

夕駐恒郡微雨亦惜霽是謂雖恩施其中有靳意或以喻示我返已舉近事豫撫宣以來河工欠者賜民欠及

吏侵逋輸別次第

昨軍機大臣會同河南撫臣穆和蘭議奏河南攤徵河工幫價積欠銀兩

一事所有民欠已攤未完銀一百八十八萬餘兩前經降旨展限十年已屬寬裕原擬俟歸政時酌量加恩總思早降恩旨小民更沾實惠因令將十年所帶徵者免其六年共免銀一百一十餘萬兩此四年所徵更寬作

八年俾民力益資寬裕其自巡撫總河以下各員應賠未攤預發之銀九十六萬餘兩或勅議市恩或踵行擅給或侵漁入己均無可寬然朕猶曲予恩施免其四十餘萬其應賠五十萬兩原議三年交納者並展作四年其所以不予全蠲者咎由自取不得不藉以示懲而適格之恩亦不可謂不厚耳 其所未全蠲

在官示懲弊至於免經途十三自成例

每次巡幸所過州縣俱令將本

年應徵地丁錢糧免徵十分之三此次亦未嘗少靳成例也

麥苗雖尚茂五日無將

逮大田下種者芽未出土遂近則目所見遠實心常繫焦切盼甘膏語愧無倫次

### 瞻廣惠寺塔

憶昔少年時見塔斯登耳既非誇步健亦非暢目視即  
今瞻穹窿未步先懶矣老少如斯殊志帥誠孰是英雄  
慣欺人吾率疑乎此

出府城門閱滹沱河有作

滹沱昔為患丙歲為修治築壩挑水溜賢臣

謂高城

至今

思

乾隆元年丙辰河近西南城不遠高城時為直隸總督奏建魚鱗塘並請築挑水壩至今河南徙離城數

里之遙矣

乙年畧增漲其退迅不遲

乙巳秋汎水暴漲浸及城脚幸次日水即退落

居民田廬得以無恙丙午來此詢之劉我據云乾隆十一年西巡蒙指示於舊有四壩下添築第五壩挑溜南

趨甚耕種民安居更張無藉施昨秋收復可中豐歉實

遠云非閭閻衣食足老幼都安怡信匪飾觀瞻氣象那能欺

### 崇因寺

崇因寺久廢丙午為

去聲

葺成葺成雖實果崇因乃虛名

既思因為所則其果號能能所本是幻因果又豈誠崇  
者復屬誰金仙默弗評

### 熱六韻

西巡遲發駕長嶺幸晴和

往歲幸五臺率於春仲啟蹕是以過長城嶺天氣尚寒每

多遇雪今年以三月初八起行往返嶺途  
雖俱值晴和然歸途又不免值炎熱矣  
一利一弊有

如春如夏何日燄平聲虞藁麥地燥未耕禾武帳猶蒸若

布廬那奈他值茲愧調變益切冀滂沱問恐逢涼者此

炎獨喜麼

留京王大臣報雨詩以誌事

恒山前駐夕微雨灑連纖閣本今朝至京師二寸霑昨初

五日駐蹕正定府夜間得有微雨尚未及寸茲接留京  
王大臣等奏京師是日自未至戌得雨二寸合之三月  
下旬以來連次所得之雨雖未霑透然  
土膏藉以滋潤較之蹕途固已差勝  
時同深淺異盼

切惕慙魚離畢竟何日瞻霄空卜占

定州詠韓蘇甲乙

安喜無過百里郡韓蘇梁棟用違材韓猶倚任蘇頻斥  
琦以行彰軾語恢甲乙兩人於是定品評七子豈虛裁

荀卿曾議十二子

荀卿有非十二子篇如陳仲史鮑諸人皆以為欺惑愚衆至以子思孟軻

為飾邪說文姦言與墨翟忠施同詆其言甚不醇粹宜乎蘇軾著荀卿論闢之然軾議荀卿而不知軾亦正不無可議者耳  
吾謂東坡誠有哉

題衆春園雪浪齋

韓園蘇石兩相宜相館有齋遂額之來往又看五年隔  
徘徊却得一時怡每宣畫吏詢民隱亦以幾閒引靜思  
韻疊東坡例難置欲拈筆復意為遲

四疊蘇東坡刻盆石詩韻

四疊成五如元孫我今抱以賡其原石固有二盆則一  
却成三不妨案翻瞥眼別之半十載不殊瞬息目前存

兄寫磐卧弟片豎

雪浪石二一卧者磐石一豎者片石  
昔年內廷翰林張若靄張若澄先後

扈從曾命若靄圖磐  
石繼命若澄圖片石

而其卧者恒占盆豎者乃有蘇字

在

片石乃丙戌年總督方觀承自臨城移此上有雪浪二字磐石則無年代久遠亦無從辨其真偽也 韞

然笑艱尋其根欲罷又不能忘言孰誠悟宗會厥元

### 雪浪石八疊蘇東坡韻

坡翁豪興如雲屯疊艱用險稱獨尊我今乃頻疊至八  
詎非見巧令智昏昨辭恒山循驛路翼日遂歷中山村  
村行復不甘餘里郡城洞開因入門賢令祠雖不致謁  
嘉其品行昏忠魂近曾成詠分甲乙

韓琦蘇軾皆宋名臣其忠誠乃發於

至性第韓為得君蘇遭貶斥兩人相較自分軒輊是以  
昨詠韓蘇甲乙定其品評然其所學具有根本事蹟照

糴史冊即此地韓園蘇石未始非因人以傳也要之均以學為根在蘇言蘇却

在石兩石並為留遺痕然吾究謂磐者實以坡之蹟定

其論坡蹟七字孫其韻手書之泐磐石盆

東坡雪浪齋銘盡水之變

蜀兩孫與不傳者歸九原其序自謂於中山得黑石白脈如蜀孫位孫知微所畫石間奔流盡水之變云云坡

手書銘辭泐磐石盆上

實證在茲不煩絮久乃論定千秋存

題蘇軾中山松醪賦再疊庚午詩韻

洞庭春

酒亦名春

及定州醪二賦同書一卷豪

中山松醪賦蘇軾在定州

所作紹聖間軾在襄邑與洞庭春色賦同書為一卷今藏石渠寶笈

飛興逸同子安雀

滕王

閣序青雀  
黃龍之舳

拍浮樂勝  
銅陽螯盆盛無礙  
安磐石城守還  
教奠繹騷行館  
畫長值清暇弗  
尋花柳試吟毫

定州題劉禹錫事口號

陋室原為冷隱居  
趨炎冒系却殊諸  
論文弗論始終者  
幾不德馨被誑歟

禹錫作陋室銘似能義命自安者乃冒稱系出中山  
已覺可鄙又與柳宗元等黨附任文及任文敗遭貶  
播州盖亦趨炎附勢之流耳後世薈其文若不考其

行不幾為德馨一言所欺蔽耶

瞻禮

帝堯祠

克明遞致協和盛本末之施總以欽法典一篇無多語  
崇祠萬古有去聲瞻今即茲四月愁旱志敢負九年乂水

心

咨岳歲當八十六

帝吾師也兆先諶

去歲偶閱蘇軾書傳見其注堯咨岳  
事時年八十六計予以再丙辰歸政

時其年正相符合予數十年來無日不以農田暘雨為念法堯而惟恐弗及是帝實予之師也乃歸政之年又復相同其兆孰嘉於此

命截留漕糧以濟缺雨直隸南三府河南北三府

詩以誌事

所經畿輔地率皆盼雨透然而麥苗芄一霑收可觀十

日五日期虔請心如疚至於南三府

順德廣平大名三府在直隸省南

麥禾種

去聲

未邁即雨亦後時急宜籌補救豫省之河北三

府

彰德衛輝懷慶三府在河南省北

接隣輳夙每愁旱乾

是六府每歲常遭旱

奚

忍委氣候因命督臣往未雨為綢繆叶每府各十萬漕

糧分運授

此次巡幸五臺沿途經過直隸州縣地方雨澤俱未透足然所見麥苗尚皆青綠早晚若

得透雨猶望有收惟念省南順德廣平大名三府自三月以來並未得有雨澤而豫省河北彰德衛輝懷慶三府雖間得微雨亦不成分寸昨已有旨馳詢現已將屆立夏即使日內得霽甘霖麥收亦無不歉薄自應早為設法接濟因諭令梁肯堂馳赴天津會同倉場侍郎劉秉恬於續到津關之南糧截留六十萬石兩省各予三十萬石臨時酌量情形撥用並飭該督等悉心經理毋許胥吏從中滋弊庶使小民均沾實惠用副朕廑念民依先事綢繆至意

勤民憂慮先施惠恩肯留庶以備不虞仍為

祈霖佑

至保定

靈雨祠行宮作

靈雨逢微雨

夜間雲陰頗厚乃清晨途中僅遇微雨未得霑渥甚覺可惜

知恩更惜

恩歡迎輾黎赤清憇度朝昏觸目那舒志寄懷難措言

行宮實繁矣知過早成論

凡時巡所經憇駐行宮或發內帑所節省或地方大吏自

捐養廉從未以煩民力而物給價工給直貧民且藉以受其利究之興工作即予之過也詳見向所作知過論

題清永齋

行宮寢殿名

行館成年久停旌值夏初綠陰方覺張去聲紅雨尚留餘

信是清和候那移春仲居

四月朔為清和節古人引用皆然至唐德宗謂二月為中

和節蓋以二月春之中時之和也乃沈德潛訛中為清遂以二月為清和節且以謝靈運詩首夏猶清和謂似二月尤為臆說夫猶訓似亦訓尚月令氣候以漸而殊謂四月尚近三月則可謂四月越三月近似二月則無是理也向年賦清和詩云清開夏之首和近春之季蓋開德潛之謬云

閒吟亦究理摘藻

豈憑虛


### 舫室口號

舊稱原自曰臨漪

幾輔通志云蓮花池元張彥所鑿引雞距河水注之建臨漪亭於其上

新額亦陳謂舫斯却憶名言民猶水半因澄念半塵思





御製詩五集卷七十二